



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ. 010512953, էլ. փոստ patrol-service@police.am

N 9/13252

< 25 > 07 2022թ.

Հանդիմանագրի համար՝

Հասցե՝ ք. Երևան 5-րդ գանգ. Ա. Միկոյան փող. 13 շ. 25 բն.

Ուղարկում եմ ՀՀ ոստիկանության պարեկային ծառայության իրավաբանական բաժանմունքում Ձեր դիմումի հիման վրա հարուցված վարչական բողոքարկման վարույթի արդյունքում կայացված <<Թիվ 8200200198 որոշումը բեկանելու և վարչական իրավախախտման վերաբերյալ գործի վարույթը կարճելու մասին>> որոշման օրինակը:

Առդիր՝ <<2>> թերթից:

Հարգանքով՝

Պետ, ոստիկանության գնդապետ՝

Ա. ՈՒՄՐՇԱՏՅԱՆ

Կատարող՝ Ն. Քոչարյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 18.06.2022թ. կայացված թիվ 8200200198 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<22>> 07.2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ռիմրշատյանս, վերանայելով Լևոն Խաչատրյանի (Հասցե՝ ք. Երևան 5-րդ զանգ. Ա. Միկոյան փող. 13 շ. 25 բն.) (Այսուհետ՝ դիմող) 22.06.2022թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

ՀՀ ոստիկանության պարեկային ծառայության Երևան քաղաքի գնդի պարեկ Մարինե Հարությունյանի կողմից 18.06.2022թ.-ին կայացվել է թիվ 8200200198 որոշումն այն բանի համար, որ դիմողը նույն օրը՝ ժամը 11:10-ի սահմաններում, ք. Երևան Շոպրոնի փողոցում վարել է «Օպել» մակնիշի 36 UV 854 հաշվառման համարանիշի տրանսպորտային միջոցը՝ օրենսդրությամբ սահմանված կարգով տեխնիկական զննություն չանցած վիճակում: Որոշումը կայացվել է «Վարչական իրավախախտումների վերաբերյալ» ՀՀ օրենսգրքի (Այսուհետ՝ ՎԻՎՕ) 123.4-րդ հոդվածի 2-րդ մասի հակառակը:

Դիմողը 22.06.2022թ.-ին ստացված դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով թիվ 8200200198 որոշումը, մասնավորապես նշելով, որ իր տ/մ-ն տեխնիկական զննություն անցած է ԼՂՀ-ում և ներկայացրել է <<Տեխնո սերվիս>> ՍՊԸ-ի կողմից տրված տեղեկանք և թիվ 000197 տեխնիկական զննության կտրոնի պատճեն:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության իրավաբանական բաժանմունքում հարուցվել է վարչական բողոքարկման վարույթ:

Ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ձեռք բերված ապացույցները, ինչի արդյունքում պարզվել է, որ վարչական իրավախախտման գործով թիվ 8200200198 որոշումը ենթակա է բեկանման՝ հետևյալ պատճառաբանությամբ և հիմնավորմամբ.

Դիմողի կողմից ներկայացված <<Տեխնո սերվիս>> ՍՊԸ-ի տեղեկանքում նշված է, որ «Օպել» մակնիշի 36 UV 854 հաշվառման համարանիշի տրանսպորտային միջոցը տեխնիկական զննություն է անցել 10.01.2022թ.-ին՝ ԼՂՀ Ստեփանակերտ քաղաքում՝ մեկ տարի ժամկետով և առկա է կազմակերպության կնիքը:

Ներկայացված թիվ 000197 տեխնիկական զննության կտրոնի պատճենում նույնպես նշված է, որ «Օպել» մակնիշի 36 UV 854 հաշվառման համարանիշի տրանսպորտային միջոցը տեխնիկական զննություն է անցել 10.01.2022թ.-ին:

ՎԻՎՕ 247-րդ հոդվածի 1-ին մասի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության դեպքում:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի «ա» կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով, իսկ 2-րդ մասի համաձայն՝ սույն հոդվածի 1-ին մասով նախատեսված ոչ իրավաչափ վարչական ակտը կարող է անվավեր ճանաչվել այդ ակտն ընդունող վարչական մարմնի կամ դրա վերադաս մարմնի կողմից, ինչպես նաև դատական կարգով:

Նույն օրենսգրքի 77-րդ հոդվածի 1-ին մասի <<ա>> ենթակետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

Ելնելով վերոգրյալից և ղեկավարվելով ՎԻՎՕ 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 18.06.2022թ. կայացված թիվ 8200200198 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Երևան քաղաքի գունդ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով սահմանված ժամկետներում:

Պետ, ոստիկանության գնդապետ՝



Ա. ՈՒՄՐՇԱՏՅԱՆ